



UNIVERSITÄTS-
BIBLIOTHEK
PADERBORN

Thesavrvs|| Locorum|| Commvnivm|| Jvrisprvdentiaē

Barbosa, Agostinho

Lipsiæ, 1697

Cap. LXXIII. Successio, Successor.

[urn:nbn:de:hbz:466:1-80071](https://nbn-resolving.org/urn:nbn:de:hbz:466:1-80071)

non est curanda in foro Ecclesiastico, ex quo de mente constat, *cap. dilecti 6. de judic. Federic. de Senis conf. 158. Reverende Pater. in princ.* maxime in causis beneficialibus, Ancharan. *conf. 295. Pro clariori. in fin.* [Unde, quod dici solet, iudicantem oportere cuncta rimari, *cap. iudicantem 30. quest. 5.* intelligi debet absque nimia subtilitate, quia, ut ibi glossa subiungit, iudex in omnibus non debet esse curiosus, & hoc idem affirmavit Alberic. *in l. sancimus. Cod. ad SC. Trebell.* ubi ait, quod multi ex nimia subtilitate decipiantur, cum qui nimis subtilizat, seipsum frangat, ut de Baldo dixit Jason *in l. edita 3. C. de eden. & Aristides ob nimiam iustitiam fuerit expulsus.* Lucas de Penna *in l. praecept 3. col. 2. Cod. de Canon. largition. lib. 10.* Ideoque in jure Canonico tales Legum subtilitates non curari, post gl. sing. *in cap. suscitata. verb. Monasterium. de in integr. restit. ex cap. licet. de probat. retulit Gylman. tom. 2. part. 2. vot. 11. n. 8.* Quapropter tales subtilitates à iudicibus non facile admittendae, juxta praeceptum JCTi *in l. sicut 8. §. si debitori 6. ff. quibus modis pign. solv. & quae notantur in cap. dilecti. de judic.* sed potius imitandum exemplum Javoleni *in l. quisquis 116. de V. S.* qui reprobatà opinione Labeonis, verborum subtili interpretatione nitentis, sententiam Proculi mentem disponentis considerantis amplexus est, cum optimum sit, non propriam verborum significationem servare, sive (ut alii legunt) scrutari, sed imprimis quid disponens demonstrare voluit, *l. cum de 18. §. item 3. ff. de fund. instr. Hartm. Pistor. 1. quest. 26. n. 27.* ne ex nimia subtilitate voluntates contrahentium intervertantur, contra textum *l. 1. Cod. ut action. ab hered.* ibi: *ne propter nimiam subtilitatem &c. fac. text. in l. in conventionibus 28. de V. S.* quam tamen tolerari in disputando, non iudicando, testis est Bald. *in l. veteris 13. C. de contrab. stipulat.* Unde subtilitas illa ut perniciosa detestanda est, per quam testamenta solemniter condita, ab his, qui jus condendi testamenta habent, subvertentur, Signorol. *conf. 159. per l. final. Cod. de impub. substitut. Wesenb. conf. 85. n. 47. per l. 1. C. de sacros. Eccles. l. cum necessitatem 18. C. de fideicommiss. Joh. Goedd. lib. 3. Conf. Marpurg. conf. 27. n. 41. ne, ut Imperator monet, dum nimia scrupulositate seu subtilitate circa praetermissa conditionis verba utimur, voluntas testatoris defraudetur, l. si quis hered. 7. Cod. de*

insit. & substit. Wesenb. 2. conf. 94. n. 9. adde & ea, quae contra nimis subtilizantes scribit Neviz. *lib. 5. Sylv. nupt. n. 67. pag. 5.* unde & interpretatio nimis subtilis potius verborum lucratio, quam interpretatio dicitur, Baldus *in l. omne verbum C. de Legat.*

CAP. LXXIII. Successio, Successor.

Axioma I.

Quamdiu locus est successioni ex testamento, ab intestato hereditas non debetur, *l. quamdiu 3. ff. de acquir. hered. l. quamdiu 69. cod. l. 3. in fin. l. 37. de hered. instit. l. 4. de injust. & irrit. testam. l. 19. §. 1. ff. de condit. & demonstr. l. 3. §. 2. de post. sess. secund. tab. l. 5. C. de imp. subst.*

Intellige verum, quando testamentum rite & secundum leges conditum est, §. 2. *Instit. de hered. quae ab intest. defer.* ibi: *aut non jure fecit. l. Si unus 12. C. de testam. vid. Vult. a. conf. Marp. 21. n. 27.*

II.

Quoties vel ab initio vel ex eventu Testamentum deficit, toties ab intestato succeditur, quia cessante provisione hominis incipit provisio legis. Ita ergo si testamentum vel plane non factum, ubi tamen à defuncto fieri poterat, vel factum quidem, sed non jure, aut postea ruptum vel destitutum, successioni ab intestato locus est, *pr. Inst. de hered. quae ab intest.*

III.

Quoties ex descendantibus aliquis superest, toties nemo ex ascendentibus seu collateralibus admittitur, quia hereditas ambulat cum sanguine & ad commune parentum votum magis descendit quam ascendit, *l. 7. in fin. ff. si Tab. Testam. null. extab.*

Limita, ut procedat in descendantibus legitimis.

IV.

Quotocunque gradu descendentes sint, omnes ad successionem admittuntur, si nemo ex eorum parentibus superest. Quia ob jus representationis omnes in pari gradu reputantur, adeoque succedunt ex jure transmissio seu jure sanguinis.

V.

Quacunque ratione concurrunt descendentes, semper succedunt in stirpes. Ratio iterum consistit in jure representationis: hinc etiam si soli ad sint nepotes vel soli pronepotes, succedunt tamen in stirpes.

Limita, ut procedat, si ascendenti succedatur, secus si collateraliter. Nam fratrum filii soli, i. e. non concurrentibus fratribus extantibus, in capita succedunt, non in stirpes. *Rec. Imp. Spirens. de Anno 1529. §. item als bis hero.*

VI.

Quoties diversorum matrimoniorum liberi concurrunt, toties illa quisque praecipue capiti quae defuncti

defunctus à suo parente jure usufructus percepit, non quæ jure proprietatis: In reliquis succedunt æqualiter. Quia in illis proprietates remanent penes liberos, ergo mortuo illo, cui usufructus competeat, revertitur usufructus ad liberos istius matrimonii. Hæc verò cum pleno jure patri sint acquisita, ad liberos æqualiter transmittuntur. Hinc igitur, cum hodiè portio statutaria pleno jure acquiratur superstiti conjugi, in illa succedent liberi utriusque matrimonii æqualiter. *Conf. Stryck. Tract. de success. ab intest. Dissert. 1. cap. 2. §. 6.*

Limita: ut hoc non procedat in privignis, quippe quorum in successione nulla habetur ratio, l. 3. C. Communia de success.

VII.

Quoties legitimatio per subsequens matrimonium facta, toties legitimati eodem plane jure cum legitimis succedunt. Quia matrimonium subsequens purgat omnia vitia antecedentia. *cap. tanta. 6. extra. qui filii sint legitimi.*

Limita: modò legitimati nati sint ex tali muliere, cum quæ tunc temporis prohibitum non erat matrimonium, *Nov. 89. cap. 8.*

VIII.

Quoties legitimatio per Rescriptum principis facta ante liberorum legitimorum existentiam, toties legitimati æquali jure cum his succedunt, quia sic legitimatis jus est quæsitum, nec quicquid juris aufertur legitimis.

IX.

Quoties legitimatio per rescriptum Principis facta post liberorum legitimorum existentiam, toties non succedunt legitimati, quia legitimi antea nati jus quæsitum habent, quod ipsis à principe ablatum in dubio non censetur. *l. nec acquir. 4. C. de emancip. liber.*

Limita, nisi princeps in specie hoc expresserit per clausulam *NON OBSTANTE*. *Conf. Stryck. de success. ab intest. Dissert. 1. cap. 2. §. 74.*

X.

Quoties de successione maternæ lineæ seu rectæ seu collateralis quæritur, toties naturales & spurii æqualiter cum legitimis succedunt. *§. 3. Instit. ad Scutum orphit.* quia ratione matris etiam sunt legitimi, cum in matre, quæ semper certa est, omnis ratio illegitimitatis cesset.

Limita: ut non procedat in matre illustri, si alios liberos legitimis habeat.

XI.

Quoties agitur de successione lineæ paternæ, toties illegitimè nati non succedunt. *Nov. 89. cap. 12. §. 6.*

Ratio: quia pater est incertus; certus enim est is, quem justæ nuptiæ demonstrant.

Limita: ut non procedat (1.) quoad alimenta. (2.) si pater non habeat liberos nec uxorem, tunc enim succedunt in sextantem.

XII.

Quoties de successione ascendentium quæritur, toties proximior semper excludit remotiorem. *Nov. 118. Cap. 2. in pr.* quia inter ascendentes non est locus representationis, utpote qui sanguinem non ducunt à descendentibus. Ita ergo mater excludit avum, avus proavum, &c.

XIII.

Quoties parentes plures disparis numeri soli concurrunt, toties succedunt in lineas, aliàs in capita, si scilicet cum collateralibus concurrant. Quia enim jus Representationis hic cessat, cessat quoque successio in stirpes. Inde linearis vocari solet hæc successio. Ita si in lineâ paternâ adsit avus, in maternâ avus & avia, in duas partes hereditas dividitur.

Amplia: ut procedat in tantum, ut ne quidem origo bonorum, & unde provenierint, attendatur. *Stryck. de success. ab intest. Dissert. 2. cap. 1. §. 21.*

XIV.

Quoties in lineâ collateralis adsunt Germani Germanorumque liberi, toties cum ascendentibus concurrunt. Fratrum verò nepotes excluduntur, quia jus representationis in collateralibus ultra fratrum filios non extenditur. *Ausb. post fratres fratrumque. §. c. C. de Legit. hered.*

Limita: ut cum ascendentibus admittantur non nisi Germani: uterini enim & consanguinei ab ascendentibus excluduntur.

XV.

Quotocunque gradu ascendentes sint, nunquam à collateralibus excluduntur. Nam in successione prior semper & potior ratio habenda ascendentium ob vinculum gratitudinis, quam ipsis debent descendentes.

XVI.

Quotiescunque ascendentes aut fratres Germani Germanorumque liberi adsunt, toties unilaterales non admittuntur. Pro illis enim ratio gratitudinis, pro his duplicitas vinculi militat.

XVII.

Quoties fratrum filii cum fratribus vel ascendentibus defuncti concurrunt, toties succedunt jure representationis seu in stirpes.

Amplia, ut procedat etiam tunc, quando fratrum filii cum fratribus unilaterialibus concurrunt; nam & sic jure representationis & consequenter in stirpes succedunt, quia alioquin ab unilaterialibus ob gradus proximitatem excluderentur. *Nov. 118. cap. 3. vers. unde Consequens.*

XVIII.

Quoties fratrum filii soli sunt, toties non succedunt jure representationis, sed in capita. vid. *Consil. Caroli V. de An. 1529. d. 23. April.* Quia sic non jure transmissio sed proprio vocantur, cum jus representationis illis eo saltem casu concessum, si cum aliis fratribus aut ascendentibus concurrant.

Amplia, ut etiam tunc in capita succedant, cum soli sunt, & patrum, qui adest, excludit, quia adhuc succedunt jure proprio. *Stryck. de success. ab intest. Dissert. 3. cap. 1. §. 15.*

Limita: ut aliud sit, si fratrum filii succedant in contractum defuncti, sic enim jure transmissio succedunt in stirpes.

XIX.

Quoties nulli fratres fratrumque liberi adsunt, toties indistinctè succedit proximior, ita ut nec representatio, nec duplicitas vinculi, nec distinctio bonorū amplius attendatur. Quia causa successio- nis collateralium est conjunctio sanguinis cum

(D d) 3

defun-

defuncto: quō magis ergo quis alteri conjunctus, eō magis succedere debet.

Limita: nisi quis ex patre & matre consobrinus esset, ut si duo fratres duas duxissent sorores. Quod tamen cum ex jure civili probari non possit, à Facultate Juridicā Viadrinā aliquando rejectum & contrarium responsum fuit. *Brunnem. cent. 2. decis. 26.*

XX.

Quocunque casu filius succedit patri, eo casu pater succedit filio, quia jura successionum sunt reciproca, l. ii. de legit. hered.

Limita, ut non procedat in adoptione minus plenā; nam in illā filius succedit patri, sed non pater filio, quia ad patrem nullum jus devolutum.

XXI.

Quoties vidua in successione concurret cum liberis, toties jure communi tantum capit suæ portionis usumfructum, *Nov. 117. cap. 5. ne alioquin liberi nimium lædantur*, & quia uxori per usumfructum jam satis prospectum de necessariis vitæ subsidii.

Limita: modò liberi ex eodem matrimonio fuerint geniti. *d. Novell. 117. cap. 5. ibi: si verò talis mulier filios ex eo non habuerit.*

XXII.

Quoties vidua concurret cum aliis sanguine junctis, toties proprietatem consequitur. Quia hoc in casu major favor est uxoris quàm in priori, hinc etiam majus beneficium eidem tributum. Hinc igitur etiam tunc, quando cum parentibus concurret, plenam proprietatem consequitur uxor. *Brunnem. ad Auth. præterea. C. unde vir & uxor.*

Limita, ut aliud sit in portione statutariā. vid. **PORTIO STATUTARIA.**

XXIII.

Successionis ubi eadem est ratio, omnes æqualiter succedunt, l. 2. Titio 108. ibiq. gl. ad verb. reddi ff. de P. O. cap. scire debet 8. dist. 76. Quando enim plures unā oratione junguntur, debent pariformiter esse juncti, l. de 20. §. 2. ubi Bart. de fund. instruct. l. si legatarius 8. §. fin. ubi Bart. de leg. 3. gloss. in l. liber homo. §. Titius. ff. de hered. institut. per regulam, quod una determinatio, respiciens plura, æqualiter determinet, l. jam hoc jure 4. in princ. ff. de vulg. substitut. ubi Jason num. 8. & l. Lucius. n. 3. eod. tit. ac proinde ita vocati etiam in successione æqualiter admitti debent, Jason in l. si pater. n. 8. de vulg. substitut. l. quidam relegatus 5. §. fin. de rebus dub. l. interdum 13. in princ. de hered. institut. ubi aperte dicitur, quando collectivè vocati, pariter vocantur & copulative cum nominatim vocatis, quod tunc in æquales partes succedant. Henning. Gøden. conf. 22. de simultan. investit. Exemplum elegans vide in l. Lucius 88. §. Lucius 6. de Legat. 2. ubi casus clarius quando uni de familiā relinquitur nominatim, & aliis nomine collectivò, omnes nihilominus pariter ad æquales portiones vocantur, cujus rei aliam rationem reddi non posse ait Castrensi. add. §. Lucius d. t. nisi quod par affectus videatur fuisse testatoris erga omnes: & quod in omnibus ejusdem familiæ ea-

dem sit ratio & par affectus disponentis, qui vulrem in familia remanere, & omnes de familiā honorare: ideoque magis attendenda ejus voluntas & sententia, ac paritas rationis, quàm verborum contextus, ac proinde æqualiter & paribus portionibus omnes & singuli æquali affectione & præsumpta disponentis sententia censeantur honorati, prout eleganter post Aretium exponit Jason in l. si pater. de vulg. & pupill. substitut. num. 8.

Excipe, nisi alia voluntatis testatoris conjectura, utpote quæ colligi ex subtilitate verborum collectivè aut distributivè positorum potest, contrarium doceri queat. Bart. in l. si servus communis per tot. ff. de stipul. servor. quem sequitur Castrensi. in d. l. Lucius. §. Lucius. d. t. quorum collectivorum aliā hæc est natura, ut non singulis totum, sicut fit in distributivis, sed tantum pro parte tribuant, l. si pluribus 44. in princ. ff. de legat. 2. Corn. conf. 237. numer. 3. per l. non distinguemus 32. §. cum in plures 13. de recept. arbit. atque sic quando plures collectivè vocantur cum aliis nominatim, vel distributivè positis, tunc collectivè vocati cum aliis nominatim positos, non capiunt singuli æquales partes, neque in capita cum reliquis succedunt, qui nominatim vocantur, sed omnes in unum collecti tantum unam partem simul capiunt, quantum reliqui omnes singuli, l. interdum 13. in princ. de hered. institut. l. si pater 9. de vulg. & pupill. substitut. l. si quis 8. de usufruct. accresc. l. plane 34. in princ. l. hujusmodi 84. §. si Titio 8. de legat. 1. l. fin. ubi Bald. Salicet. Corraf. & Dd. communiter. Cod. de impub. subst. l. 2. de dot. prælegat. quia omnes collectivè vocati unam personam tantum simul repræsentant, d. l. plane 34. in princ. ff. de legat. 1. non immerito ergo unam duntaxat partem accipiunt, qualem reliqui omnes singuli, prout hanc rationem post alios tradit Jason in l. si pater. in princ. ff. de vulg. substitut. in l. fin. C. de impub. substitut.

XXIV.

Successione exclusa non debet exclusum videri, quod aliā viā ac ratione inest & debetur. Glossa & Salicet. in l. de crimine. C. qui accusat. post l. patella 6. C. de patris. Generali enim derogatione non tollitur jus singulare, l. decurionibus 3. Cod. de silentiar. lib. 12. ubi glossa, quam reputat singularem Bald. in cap. 1. in fin. quo temp. miles. & in c. Ecclesia 10. n. 8. de consil. & cap. cum ordinem, in fin. de rescriptis. Exemplum est in filia, quæ licet simpliciter vigore statuti excluditur, non tamen excluditur à legitima. Salicet. in Auth. novissima. n. 11. vers. quere undecimo. col. 6. C. de inoffic. test. & in l. si servi. num. 27. vers. quere successore. Cod. de noxal. action. Socin. conf. 30. quamvis ex his num. 35. vers. 17. vol. 1. Alex. conf. 7. Visi & diligenter. n. 6. vers. facit, pro hoc. vol. 2. Curt. sen. conf. 39. Visi. num. 7. vers. quin imò fortius. col. 2. Jason in d. Auth. novissima. num. 67. vers. postremo quere. C. de inoffic. test. Pacian. 1. conf. 38. n. 1. Menoch. conf. 71. num. 27. vers. quia uno verbo, vol. 1. quia legitima alio speciali jure venit ac debetur, Bald. in l. 1. n. 5. C. de legitim. hered. cap. 1. §. quia etiam. num. 3. Episc. vel Abbat. h. C. de impon. lucrat. de script. Alex. conf. 13.

Transa

Transmissio. n. 2. vol. 1. & conf. 150. n. 6. vol. 2. non ut successio, l. unic. C. de impon. lucrat. de fer. l. ult. C. de Codicill. sed tanquam as alienum, Gloss. in l. si quis. verb. posse. ad L. Cornel. de fals. l. 5. verb. debitum. C. de inoffic. donat. Bald. in l. 1. circ. fin. C. de liber. prat. l. quamquam 10. C. ad L. Falcid. Corral. ad l. filium 24. num. 36. & 101. C. famil. hercise. ideoque nec successionis jure regulatur, d. l. unic. C. de impon. lucr. descr.

XXV.

Successio viventis est nulla, l. qui supersit 94. ff. de acquir. hered. Wesenb. 2. conf. 74. Agit enim ante diem & perperam, l. in fin. quando dies noster. legat. §. plus autem. l. de act. §. temporalis. Inst. de except. etiam petendo, quod spe deberetur, Johan. Blanc. ad tit. Inst. de act. c. an liber. ac. prajud. fil. in fin. siquidem nullum adhuc interesse habet, cum mori antequam potuerit, cujus in successione jus petebat, ideoque de viventis hereditate sollicitus esse non debuit, l. 2. §. inter 2. de vulg. & pup. subst. cum talis spes sit improba, l. inter 93. §. facram 5. de V. O. nec licita, sed incerta, Cast. conf. 448. non est dubium. n. 1. vol. 2. per l. post emancipationem 6. de lib. legat. l. 1. §. si impubere 21. de collat. honor. inducens nempe vorum captanda mortis, prout not. in d. l. fin. l. pactum. 15. C. de pact. quod procedere adeo, ut nec pactum, d. l. qui supersit. de acq. her. l. 4. C. de inutil. stipul. l. stipulatio hoc modo 61. ff. de V. O. l. pactum quod dotali 15. C. de pact. nec renunciaciones de successione viventis ullius momenti sunt, l. si quando 35. §. 1. C. de inoff. test. l. pactum 3. C. de collat. testatur Wesenb. 2. conf. 44. n. 55.

Limita I. secus esse in pacto particulari sive conventionem super quibusdam rebus particularibus, & certis post mortem relinquendis; tale enim pactum valebit, quia in residuo superest liberum testandi arbitrium, gloss. in l. fin. verb. accommodaverit. C. de pact. ibique Bart. in l. l. col. fin. vers. nam promittens. Decius in l. pactum 15. n. 10. vers. secundo limita. C. de pact. Tiraquel. in tr. de primog. q. 6. n. 13. Bero. in cap. Raynuitus. n. 197. de testam. Joh. Dilect. de art. testand. tit. 2. cautel. 10. Nicol. Jun. de feud. art. 70. num. 23. cent. 2. Chassan. conf. 29. n. 16. Alex. conf. 83. num. 6. Ruin. conf. 7. n. 5. vol. 3. Alciat. respons. 122. n. 6. Franc. Pfeil. conf. 115. num. 15. cent. 2. nec interest, quibus verbis de succedendo pactum in certis bonis sit conceptum, ut valeat, Dec. conf. 225. col. pen. & conf. 516. & conf. 578. n. 4. Gozad. conf. 87. multa namque in rebus particularibus facta subsistunt, quæ de universitate & tota hereditate facta non valerent, Vult. 3. conf. Marp. 34. n. 83. cum seqq. Treutl. disput. 6. thes. 8. lit. 4. vol. 1. Gail. lib. 2. observ. 126. n. 8.

Limita II. nisi pactum esset mutuum seu reciprocum, puta si inter duos vel plures conventum esset, quod alterutro sine liberis mortuo ad superstitem bona perveniant, quia illa mutua conventio non est pactum future successionis, cum bona futura non promittantur ut successio futura, sed est obligatio conditionalis, si alteruter sine liberis premoriatur, quæ obligatio, eveniente conditione, ad tempus conventionis retro-

trahitur, & pro pura habetur, l. necessario 8. §. 1. ff. de peric. & comm. rei vendit. ibique gl. verb. praterita. l. potior 11. §. 1. ff. qui pot. in pignor. l. unic. C. ut act. ab hered. Gail. lib. 1. observ. 126. n. 2.

Limita III. si esset de successione, ejusque vel incerti, quod valet, l. 3. §. 2. ff. pro soc. vel certi, quod tum subsistit, si is consentiat, & in ea voluntate usque ad extremum vitæ spiritum perseveret, l. ult. Cod. de pact. add. Cravett. conf. 42. in princ. Cephal. conf. 146. num. 6. Bologn. in d. l. ult. n. 57. Treut. d. disp. 6. thes. 8. Wesenb. 1. conf. 11. n. 28.

XXVI.

Successio ex testamento non dicitur legitima successio, l. 3. §. de illo 2. ff. pro soc. l. legitimam 8. ibique gl. ff. de petit. hered. Socin. conf. 12. num. 3. lib. 3. Abb. conf. 3. col. 4. nam. 9. lib. 2. Farin. 1. de cis. 15. & in addit. lit. a. Dd. communiter omnes in l. omnium, ibique præsertim. Curt. jun. & Cagnol. C. quando non petent. part. cum aliis per Farinac. allegatis, ubi etiam Alexand. & aliis contrarium in hoc sententibus respondet.

XXVII.

Jus successionis non acquiritur ei, de cujus successione agitur, l. nec utilem. 20. ff. ex quib. caus. major. Bart. conf. 58. ex Themate ult. dubit. n. 4. Bertazol. 2. conf. 56. n. 95.

XXIX.

Successiones alienæ suæ soboli non sunt præferendæ, l. 1. Cod. qui ante apert. tab. testam. l. nihil interest 50. §. sed numquid. 2. vers. facilitior. ff. de bon. libert. l. scripto 7. in fin. ff. unde liber. l. nam & hic 5. ff. de inoff. testam. l. cum ratio 7. ff. de bon. damn. quia natura abhorret, nec est verisimile, ut quis alienas successiones propriis filiis anteponere velit, ut dicitur in l. cum acutissimi 30. C. de fideicom. l. generaliter 6. §. cum autem 1. C. de Inst. & subst. l. 1. C. de his qui ante apert. tab. testam. Pacian. conf. 66. num. 14. & 16. cum nullus amor extraneus inveniri possit, qui affectum paternum vincere queat, l. fin. in pr. ff. de curat. furios. Bald. conf. 144. super quest. sub num. 3. vers. & præmitto ad evidentiam, vol. 2.

De successione Fisci vid. Bona Vacantia.

XXIX.

Successio non per saltum, Baldus in Auth. defuncto. n. 2. C. ad SC. Tertull. Academ. Francofurt. conf. 21. q. 2. n. 1. & 2. tom. 3. var. 7. Cror. sed gradatim defertur. §. si plures 5. Inst. de legit. agn. tutel. §. si autem plurimi Auth. de hered. ab intest. venient. l. post consanguineos 2. §. legitima 4. ff. de suis & legitim. Menoch. conf. 400. n. 36. lib. 5. Philip. Matth. 1. conf. Marp. 31. num. 31. etiam in feudalibus ex latere delatis, Schneid. 6. de feud. tit. de collateral. success. num. 6. Sonsbeck 9. de feud. numer. 58. Schrader. 6. de feud. numer. 26. unde potiorum esse rationem filiorum, quam eorum, qui ex ipsis sunt prognati, quoniam priores in gradu, prius etiam vocati censeantur, refert Castrensis. in l. ult. C. de V. S. & l. petro. 69. §. fratre 3. vers. quid ergo. ff. de legat. 2. quocirca nec interpretatio ita facienda, ut

(Dd) 4

remotior

remotior excludat proximior, nisi id expressè dicatur, Baldus in l. quod v. r. col. ult. ff. de LL. Alex. conf. 97. col. 2. vol. 2. Jason. conf. 205. col. 6. in fin. vers. non obstat etiam. vol. 2. quem sequitur Cravetta conf. 243. in fin.

XXX.

Successor quivis jure auctoris sui utitur, non meliore, l. ex qua persona 149. l. heredem 59. l. aliud. 60. l. in his 185. §. 1. ubi Dec. ff. de R. l. l. 1. ff. de divers. & temp. preser. l. cum à matre 14. C. de rei vindic. l. 2. C. de pact. inter empt. & vendit. l. 2. l. 3. l. fin. C. de his qui in prior. cred. loc. succed. idque non in universali solum, sed etiam singulari successore obtinere, docet §. diutina. Inst. de usufruct. l. 2. §. pen. ff. pro empt. l. unic. C. de usufruct. transform. imò & in successore feudali, cap. unic. §. rursus. ult. ubi Bald. num. 2. si de investit. feud. contr. fuerit l. feud. 4. Curtius in tract. feud. pag. 4. num. 140. Jacob de S. Georg. in sua invest. ad verb. & cum pacto. num. 33. & 43. Alex. conf. 118. in fin. num. 15. vol. 5. conf. 30. num. 3. & conf. 87. num. 10. vol. 6. Idem conf. feud. 121. num. 12. Schurff. conf. 96. num. 2. cent. 3. Boër. decis. 76. Tiraquell. in retract. contem. §. 1. gloss. 6. num. 6. Decian. resp. 7. num. 90. resp. 9. num. 25. resp. 25. num. 68. ubi dicit, hoc debere esse proprium successorum, imitari vestigia predecessorum suorum, idem resp. 27. num. 1. resp. 36. num. 65. vol. 1. resp. 9. num. 2. vol. 2. & resp. 43. num. 15. vol. 3. Marant. disp. 9. num. 29. & 30. Welsenbec. 2. conf. 68. num. 8. cum nemò plus juris in alium transferre possit, quam ipse habet, l. nemo plus 54. ff. de R. Jur. l. traditio. 20. de acq. dom. c. nuper 6. extr. de donat. int. vir. c. nemo §. 8. de R. l. in 6.

Adeoquæ quodecunque jus non habuit Antecessor, illud nec habere potest successor. l. 59. ff. de R. Jur. quia hic representat personam antecessoris ejusque jus continuat. conf. l. 20. ff. eod. Exemplum est in usufructu. l. 7. ff. de divers. & temp. act.

Amplia, ut etiam procedat affirmativè: quicquid juris habet antecessor, illud habere potest successor. Modò jura non fuerint personalia, v. g. usufructus l. 25. §. 1. ff. de pact. aut actiones personales l. 38. ff. de R. J.

XXXI.

Cui competit jus in universa defuncti bona, sive actu sive potentiâ, ille est successor universalis l. 62. & l. 128. ff. de R. J. quia ille succedit in universitate. Adeoque & ille, qui heres quidem institutus sed tamen rogatus est, ut omnia bona tertio alicui restitueret, est successor universalis.

XXXII.

Successori non licet, quod auctori suo non licuit, l. cum heres 11. de divers. & tempor. prescript. d. §. diutina. & §. fructuum 11. Inst. de usufruct. l. 1. & l. 2. Cod. advers. credit. l. Exceptio 23. l. cum de hoc 27. ff. de Except. l. si eum 10. §. qui injuria. rum. 2. ubi latè Jason ff. si quis caut. in judic. sist. caus. non obtemp. Siquidem successor non potest esse melioris conditionis quam suus auctor, Petr. de Ubald. in tr. de benefic. in pr. n. 9. ubi ait, quod qui succedit in alterius jus, eodem jure uti debet, & illud potest successor, quod poterat predecessor, nec potest illud, quod ille non poterat,

verba sunt Petri Antibol. in tr. de mun. p. 12. An. de Rosell. in tr. de Indulgent. n. 452. nec successor magis debet esse privilegiatus, quam ejus predecessor, Petr. Antibol. in tr. de munerib. p. 12. n. 108. Conf. Arg. 1. conf. 2. n. 130. quare successor etiam tenetur servare facta suorum antecessorum, c. 1. ubi Dd. de probat. Zaf. in l. 2. §. eodem tempore. ff. de O. I. Cravetta. de antiq. temp. p. 1. §. 1. n. 17. adeò ut ne de plenitudine potestatis contravenire possit, Castr. in l. digna vox. C. de LL. Zaf. conf. 10. n. 5. col. 2. Vult. 1. conf. Marp. 16. num. 32. Mynsing resp. 34. n. 19. qua ratione etiam obtingitur bene gesta predecessoris sui ratificare, l. cum à matre 14. ubi Bart. Bald. Cyn. & alii C. de rei vindic. l. venditrice 3. C. de reb. al. non alien. c. decessorum 19. 25. q. 2. ibidemque Archidiacon. succedit enim in honore & onere, Bald. in sua Margarita. verb. dignitatis. Oldr. conf. 249. quemadmodum hoc late declarat Marpurgenses 4. conf. 16. n. 15. & siqq. vid. tract. meum de obligat. success. in off. per tot. Quando itaque dicitur successorem ad factum sui predecessoris non teneri, gloss. ult. & Dd. in l. digna 4. C. de LL. Bald. in l. 2. n. 3. eod. tit. & conf. 161. n. 2. vol. 2. hoc verum intellige in concurrentibus dignitatem, & quæ sunt juris merè positivi, non etiam, quæ sunt juris naturalis aut gentium, puta contractuum aut investiturarum, quia hæc à predecessoribus facta & conventa, ut qui pro una eademque persona habentur, c. quoniam 14. de offit. deleg. Alex. conf. feud. 121. n. 12. ligant, & à successoribus maximè quando aliis jus est quaesitum, servanda sunt, Bald. & Dd. in l. digna vox. C. de LL. Jacobin. in tr. feud. in princ. ad verb. at Princeps. num. 1. Welsenb. 1. conf. 41. n. 122. vide tamen Gylman. 4. i. vot. 3. num. 75. ubi in pecunia mutua ita distinguit. Aut Princeps accepit pecuniam ob honorem suum, aut ob aliam suam utilitatem, aut ob statum dignitatis, primo & secundo casu successorem non teneri, nisi ei succedat in hereditate, arg. est in l. providendum 23. C. de decur. tertio vero casu aut predecessor in dignitate accepit pecuniam mutuatam in causam voluntariam, aut in causam utilem ipsius dignitatis, & his casibus successorem non teneri, text. est in l. si rem communem 12. C. si cert. per. aut accepit in causam necessariam, puta ob dignitatis statum, vel dignitatis res considerandas, quo casu teneri, contraque eum actionem personalem locum invenire, concludunt Dd. communiter omnes in c. 1. de solut. & in l. 37. ff. de reb. cred.

XXXIII.

Succedere debet in onere, qui substituitur in honore, c. rationi 77. de R. l. in 6. c. adversus 7. extr. de immunit. Eccles.

XXXIV.

Successor non potest esse melioris conditionis, quam auctor ejus à quo causam habuit. l. nemo 55. de R. l. quia non potest esse in causato plus virtutis, quam procedat ab influenti potentia causæ, Bald. in l. 1. num. 2. ff. de Senator. Pacian. conf. 49. num. 62.

Exceptio est in l. 84. ad L. Falcid. ubi heredi pupilli datur actio, quæ pupillo non daretur, atque ita melioris conditionis successor esse videtur,